

60.

# DEO OPTIMO MAXIMO UNI ET TRINO, VIRGINI DEI-PARÆ, ET S. LUCÆ,

Orthodoxorum Medicorum Patrono.

## QUÆSTIO MEDICA, CARDINALITIIS DISPUTATIONIBUS; *manè discutienda in Scholis Medicorum, die Jovis trigesimâ mensis Martii, anno Domini M. DCC. LXXV.*

M. NATALI-MARIA DE GEVIGLAND;  
Regiorum in Germaniâ Ducum & Militum Nosocomiorum nuper Medico &  
vices gerente M. DE RABOURS, Doctoris Medici, Præsidis.

*An ab animi æquabilitate Sanitas ?*

I.



UAM fragilis, quàm citò peritura hæc sanitas, quâ nitet homo vigentem adeptus ætatem & à naturâ benè constitutus ! Scilicet quot tenellos flores, qui redeunte vere suam restituunt hortis amoenitatem, tot corpus humanum circumveniunt pericula. Si enim densior sit aer, quem spirat, pulmones ultrâ modum distendendo, ruptis undequaque vasis hæmoptoen ciet; si rarior, inspirationi promovendæ impar, liberæ nocet circulationi. Ejuldem humiditas aut siccitas, calor aut frigus vicissim & diversimodè humanam afficiunt compagem; nec minùs ab impuris, quibus scatet particulis, damnum imminet. Quod assiduus exhalationibus excretionibusque de corpore abit, id assiduo repa- randum est. Sed nisi alimentorum copiam, ritè pensâ corum naturâ, ad jacturas vireque digestivas accomodaveris, non rorem inferes beneficium, partibus nutriendis idoneum, sed exitiale infundes sanguini venenum, quod occultò sese insinuans miseros artus depascetur. Diurnis exhaustum laboribus vespere corpus defatigatur, languet, fatiscit & oclusis oculorum palpebris, obtusâ sensûum acie, plerisque motibus suspensis, amicus obrepit somnus: qui si diutius protrahatur, humores per vasa lentius vecti fibris debilibus incumbunt; accescunt autem, si breviori contrahatur tempore. Omnia turpi obruuntur vetero in corpore quieti diuturniori dedito; quod si frequentiori motu agitur, subtilissima avolant partium principia. Quidquid peractâ nutritione supervacaneum est, extra corpus pellatur; quidquid utile, resorbeatur; sin minùs, ab inconsultò retentis infarctus & inflammatio, ab immoderatè excretis exinanitio & debilitas. Nec satis: fuge intensiores animi affectiones, quæ licet interdum gratæ non levem noxam important: sic florenti sub herbâ dolosus sæpè latet anguis. Ea quippe corpus inter & animam intercedit necessitudo, ut quælibet mutatio alterius alteri mutationem inferat & ex hæc in illam actio refundatur. In homine, cujus organa vel ob nativam indolem, vel ob peculiarem dispositionem sunt sensibilia, anima vividus objectorum percipit imagines; torpet autem in illo, cui sensus obtusiores obtigere. Pariter validam in corpus exercet actionem mens expeditâ pollens alacritate, dum vix sensibilia sunt organa, quibus regendis præest mens nullo fuscitanda stimulo. Igitur à diverso animæ statu diversa pendet corporis habitudo, ab animi æquabilitate liberum functionum exercitium, ab ipsius perturbatione earum: in læsio.

I I.

ERRAVERE Physici, dum in explicandis quibusdam corporis humani phænomenis effectum pro causâ in medium protulerunt. Seu enim ad spirituum animalium influxum, seu ad partium sensibilitatem confugerint, non inde motus & sensa-



tionis mechanismus certè innotuit. Expeditius erat ipsis operosumque minus principii summè activi imperium agnoscere, animæ scilicet, quæ mediantibus organis sensationes percipit motusque voluntarios determinat. Hujus natura & proprietates non hic disquirendæ veniunt, nec enodandus ille nexus, quo jungitur corpori; sed effectus ex utriusque relatione dependentes mutuaque alterutrius actionem satis erit expendere. Organa, quibus corpus cum animâ commercium init, sunt nervi; qui si irritentur, anima dolet; si blandè titillantur, voluptatem perferunt; si autem eorum vis obtundatur, nulla fit perceptio. Hinc molestiam cacophonia, gaudium dulce melos parit, dum læso nervo auditivo nulla percipitur idea soni. Certum quippe est, quamvis explicatu non facile, à corporibus extrà nos positis sensus nostros vividè & jugiter affici. Hinc innumeræ animam subeunt sensationes, quæ per organa, veluti per totidem patentes januas, intromittuntur. Sic nascuntur ideæ, quas mens contemplatur, combinat, digerit, assimilat & fecerit, ut ex educatorum indè judiciorum consortio ratiocinia emergant. Quintuplicem naturam concessit homini sensum speciem, per quos, ceu per continuos canales, quælibet sensibilis objectorum qualitas ad animam usque penetrat. Variis enim agentibus nervis, vel diversas luminis modificationes, vel tremulos aeris è corpore percussio resiliens motus, vel grata aut ingrata naribus effluvia, vel salum spicula, vel demum corporum asperitatem, lævitatem, soliditatem, molliem & extensionem anima discernit. Indè maxima sane probatur corporis in animam actio; nec minùs patebit animæ in corpus dominium. Quascumque experitur corpus mutationes, non semper ab objectis externis ortum ducunt immediatum; sed plurimæ excitantur ab animâ, quæ vel easdem, quas à corpore recepit, vel novas in ipsum remittit, eundem produciendas effectum, ac si tunc verè à causâ exteriori commoverentur organa. Quemadmodum æquorei fluctus percussio littore in altum refluxi, velociori mox impetu ad littus repelluntur, sic impressæ corpori mutationes ad animam transeunt reflectunturque posthàc in organa, vividiorum interdum alterâ vice sensum excitaturæ. Aspice virum collati beneficii benè memorem, cùm præterita gratè revocat, leviter commoventur ipsius præcordia & lacrymæ, lætitiæ signum, quandoque per genas sponte depluunt. Quoties menti recurrit nefandi sceleris imago, corpus horret, avertantur oculi, gelidus torpet in vasis eror; si contrâ dilectæ puellæ idea obvolvatur animo, quàm gratè tiullantur sensus, quàm jucundè afficiuntur, quàm leni motu per diversa corporis puncta diffunditur sanguis lætè fluens! demum quantum sit animæ in corpus imperium mirè comprobant imaginatio, delirium, & somniorum lusus. Quis ergo reciprocæ animæ in corpus actionem neget? At in eâ actione varii sunt gradus pro variâ utriusque dispositione.

### II

**E**X amore & odio tanquam è duplici fonte dimanare videtur omne genus animi pathematum; hinc nascuntur primò meor & gaudium, assidui utriusque comites. Percepta objecti amati utilitas menti inducit cupidinem; spem autem generat ejusdem præconcepta possessio. Ab impedimentis non facillè removendis anxietas ortum ducit, à jacturâ luctus, à concupitâ alterius felicitate invidia. Producit ab odio metus, qui si intendatur terror evadit. Idem iram promovet, quæ in furorem abit. Diversæ sunt amoris species, ut diversa sunt objecta amore prosequenda. Hinc auri, gloriæ, litterarum &c. amor. Hanc affectionum diversitatem progenerant corporum externorum innata vis, dispar ipsorum ad organa relatio, peculiaris demum organorum dispositio. Quapropter formidinem noctis umbræ incutiunt, hilaritatem matutina lux advocat; huic juvat, illi displicet ejusdem objecti præsentia; quidam ad iram promptiores sunt, aliorum ad amorem; nec rarò accedit ut, mutatâ partium diathesi, ignota antea exurgant animi pathemata. Ex his alia inbita, alia tardâ corpus labe inficiunt, pro intensiori aut remissiori suâ actione variâque nervorum constitutione. Maximus interdum & subitus dolor aut improvisus lætitiæ sensus mortem inferunt. Plures tristi nuncio oppressi statim occubuerunt; interii etiam præ nimia exultatione mulier vivum amplexa filium, quem mortuum luxerat. Si virum incertis fortunæ casibus agitatam premat anceps prosperæ aut adversæ sortis expectatio, tunc laborantem animum manifestat contracta

facies, artuum languor, organorum hebetudo. Intuearis terrore perculsos: hic loco se movere nequit, ille totus contremiscit; alterius genua titubant, vox hæret faucibus, horrescunt capilli, quinetiam albescent; alterius fibræ ita relaxantur, ut alvum invitus exoneret. Quàm dissimilis in homine irâ percito habitus! ut rubet facies, ut oculi micant, ut muscoli contrahuntur! omnia fortem & impavidum nunciant; sanguis celeriori per vasa rapitur impetu, febrilis ardor inest partibus; ille pertimescat apoplexias, hæmorrhagias, aneurismata cæterisque morborum species à nimis agitato sanguine prodeuntes. Plurimos homines ad certam perniciem devocat tristis invidia. Nonne oculi truces & ad terram demissi, vultus non sui compos, perpetuæ vigiliæ, longa suspiria, animum ægotantem & irrequietum indicant, qui vel vindictam molitur, vel dolorem tacite devorat? Hinc languenie humorum cursu, fibris solutis, impeditaque nutritione, tabes & atrophia. Nec minus miseranda eum manet fors, qui parentem optimum aut amicum fato functum queritur; ut Philomela, amissis foetibus aut fideli orba compare, in profundis secedit nemorum recessus, sic ille deserta petit loca, cæterorum hominum averfans colloquia & aspectum, veniente die & decedente luget, noctes insomnes traducit, cibi immemor dolori totus est. Inde oris siccitas, humorum nullo aut depravato chylo renovatorum acrimonia, major in nervis sensibilitas, varique obstructions. Perturbantur quoque functiones in iis, qui longæ & attentæ incumbunt meditationi. Spiritus enim in cerebro veluti retenti cæteris movendis partibus non impenduntur. Ideo viri litterarum & scientiarum cupidi ut plurimum debiles sunt, appetitus eorum languet, stomachus muniis suis ritè adimplendis impar est, humores nimis mobiles in receptaculis concreverunt. Suum etiam ex amore corpori damnum inest: singe tibi puellam de amico juvene continuè cogitantem: ludos pueriles respuit, obmutescit olim garrula, defixis oculis secum reputat, jam non pede saltat libero, jam non hilaris est; sed tristis & morosa sedere amat, languent artus, appetitus sternitur, & quæ nuper erat tam pulchra visu, facies, nunc marcore & pallore defædatur; chlorosi, quinetiam istero quandoque laborat: adeo illi amor est exitio. Quàm diversæ igitur est sæcundo pathematum fonte eruuntur corporis læsiones, quas averteret aurea mentis æqualitas!

## I. V.

**I**N perfecto solidorum & fluidorum, ex quibus humanum corpus coalescit, æquilíbrio consistit sanitas, quâ nihil jucundius, nihil optabilius, nihil præstantius. Ille tanto naturæ beneficio potitur, cuius anima pacatum exercet in corpus dominium. Cæteris supereminens, ceu rupes in mediis fluctibus, nullis vitæ tempestatibus quatitur. Non illum obruit dolor, tot maiorum fomes, non nimia effert lætitia. Ille imminencia capiti pericula improborumve dolos non pertimescit; cupidinibus liber nihil avidè appetit; quod sibi obvium est, arripit, nec amissum luget; nulla jubenti non servit livori; non fallacibus amoris lenociniis irretitur; serventis iræ imperui inaccessum præbet pectus; idem in rebus intricatissimis nullo obcæcatus affectu verum à falso fecernit; quod melius est videt probatque deteriora non sequens. Quis tali non invidet conditioni, cum ex ea tot & tanta in corpus disfluant commoda? Singulas enim pervolve functiones in homine æquali animâ prædito. Quàm apprimè, quàm gratè, quam constanter exercentur! cor nullâ perturbatione relaxatum constrictione eandem in arterias protrudit undam sanguinis, quam à venis recepit. Impressum à corde motum perpetuè renovat vasorum elasticitas; hinc nullum circulationi obstat in capillaribus impedimentum; hinc fucci nutritri æquali ratione detritis partibus succedunt; nec dissimili normâ, patente sanguini per pulmonum meatus viâ, respiratio peragitur. Multiplicis secretionis materies à communi sanguine orta ab eo facilè secedit suum invisura organum. Ubi in ventriculum ingeruntur alimenta, digestivi latices, nec acres, nec effecti partium dissolvunt compagem, ut humor depromatur lacteus, qui vasa subiens propria cruori blandè affundatur. Pariter in æquanimirate functiones animæ imperio subditæ optimè exercentur. Non enim mentitur, sed genuinæ corporum qualitates mediantibus organis ab animâ percipiuntur. Adde quodd, nullâ accedente rerum perturbatione, tacitè & perfectò

4

digestiones absolvuntur, somnus deliriis curisque vacuus languentes reficit artus nullaque subita sit cuiuslibet humoris suppressio aut refluxus. Homini ergo animi pathematis libero omnia in beneficium cedunt, nulla in ruinam. Etiam si aer, quem spirat, putridis inficeretur particulis, aut nullam ipsi noxam, aut si quam inferret, levis esset & faciliè corrigenda: in morbis enim epidemicè grassantibus soli à communi labe immunes se præbere solent, qui nec terrore, nec alio animi pathemate afficiuntur. Intimam eorum scrutare animam, qui diù & feliciter vivunt; hanc nullâ rerum mutatione dimovendam esse perspicies. Non multis abhinc annis centenarius occubuit vir celebris, qui litterarum & scientiarum amans amœnâ florebat urbanitate; ideò tandiù vixit, quia omnium vitæ voluptatum veluti summa lambebat nulli totum se dedens, nec ullus eum eventus à nativâ deturbabat hilaritate. Tum igitur ratiocinio, tum experientiâ comprobata manet animi æquabilitatis utilitas in libero functionum exercitio.

V.

**F**ELICES, quibus natura infudit animam nullo perturbationum genere commovendam! Plurimorum malorum expertes longam ducunt ætatem, solâque corporum irruentium vi, aut lento partium detritu labefaciuntur. At inter varias animæ affectiones, iniquent nonnulli, quædam, ut amor, spes & voluptas, non parum functiones juvant. In iis enim cordis vires intenduntur, liberius per vasa fluunt humores, spiritus nescio quis amicus per omnes sese insinuat partes; undè corpori robur & nova vis. Quæ tamen inde consequitur utilitas, fugax est & fragilis. Salutaria hæc libenter fatebimur pathemata, quæ moderata ad æquanimitatem propius accesserint; si verò temperantiæ modum paululum exceßerint, noxia reputanda sunt. Amor pluribus acceptus, truculentum morbi genus aliis dicitur. Voluptas viam ingressa floribus conspersam, mixtis sæpè læditur spinis. Spes, miserrorum dulce levamen, sæpè infortunium sequitur; sæpius etiam damnosâ stiparum anxietate. Mentis autem æquabilitas, quæ nec dulces amoris novit stimulos, nec cœcos cupidinis furores, placidum semper sovet humorum decursum, jucundam inducit sensibus quietem insidiosis voluptatum illecebris non perturbandam; undè sanitas diù conservatur. Obijcient fortè quidam phlegmaticâ temperie instructos non cæteris meliùs consensescere, licet ob nervorum copioso immerforum ferro mollitiem minori gaudeant sensibilitate. Sed uberior feri copia fibras obruendo debilitatem infert, robur sufflammat; undè si pathema vel levius miseris ingruerit, tristities putâ, grave damnum incutit & brevi functiones pessumdantur. Ea præcipuè manet fors urbium incolas, qui desidem agentes vitam affectibus animi faciliùs excruciantur, diesque ærumnis & infirmitatibus refertos transigunt. Cur autem agrestes viri, effrenatis cupiditatibus mentis obnoxii, infirmitatibus tamen laborant immaturoque sæpius præripiuntur fato? Eâ prædicti constitutione ut diutissimè vivant, suæ conditionis virio, mille malorum speciebus impugnantur. Hinc natorum & uxoris cura, illinc tributa solvenda, annonæ caritas denique labores viribus imparibus tolerandi, infelices torquendo, vel diverso diuturnorum morborum genere afficiunt. vel citissimè è medio tollunt. Econtrâ, sylvestres Americæ septentrionalis incolas conspice, quorum libertas acuit animos; viribus confidentes propriis non edacibus corroduuntur curis; quod victui diurno sufficit, faciliè sibi parant minimè solliciti; vitam sub dio degentes rarè ægrotant & longævè moriuntur.

*Ergò ab animi æquabilitate sanitas.*

Proponerebat Parisiis HENRICUS - ALEXANDER TESSIER, Carnutensis;  
Saluberrimæ Facultatis Medicinæ Parisiensis Baccalaureus, Thescos autor,  
A. R. S. H. 1775, à sextâ ad meridiem.